



Soabahus ja soabat

Bismá Jukka Keskitalo beassášdearvvahansárdni 2026

Dát beassážit leat Oulu gávpogis earenoamáš, go Oulu searvegottit buktet oassin Eurohpá kulturoaivegávpotjagi prográmmas *Via Crucis* -gáhthačájálmasbihtta Oulu torgii. *Via Crucis* – ruossa geaidnu – lea agálaš Kristusa gillángeainnu čuvvon beassáščájálmasbihtta. Dan leat ovdanbuktán Gaska-Eurohpá gávpogiin jo gaskaáigge rájes. Dat lea okta máilmmi eanemus čájehuvvon drámáin.

*Via Crucis*a fuomášupmin lea, ahte oassálastis lea vejolaš beassat dáhpáhusaid guovdu geahččin ja vásiheaddjin. Oassin gillámušvahku dáhpáhusaide ja loahpas álbmoga guovdu duodaštit *Russiinávle!* – čuorvumiid. Dákkár mielde johtin bokta mánggaid dovdduid.

Golgata ruossas lpmil soabahii cuovkanan oktavuoda olbmo ja lpmila gaskkas. lpmil riegádii Jesusis Kristusis máilbmái, gillái olmmožin olmmošvuoda bákčasiid ja gurppui olmmošgotti suttu, vai mis livččii bestojupmi ja beassan ruovttoluotta álgoálgosaš eallimii lpmila oktavuodas.

Sátni soabahus laktása sátnái soabat. Goabbáge dáid sániin laktása soahpamii. Kristtalaš teologijja lea čađa áiggiid guorahallan dán oktavuoda dáid sániid gaskkas. Mo soabahus doalvošii maiddái soabadii olbmuid ja álbmogiid gaskkas? Dát máilbmi ja dátge áigi dan gáibida.

Go soahti buollá Lahka-Nuorttis, Ukrainas ja mángga earáge báikkis máilmmis, de soabada hállit leat unnán. Sobada huksemii mii leat goittotge bovejuvvon, iešguhtege iežas báikkistis. Soabadii beassan ii dájvja leat álki. Dallehan eai várra máilmmis livčče soadit ja čiekŋalis ruossalasvuodat olbmuid gaskkas. Beassáščájálmasa okta eanemus váikkuheaddji vásáhusain sáhttage leat dat, mo iešge čuožžu mielde olmmošálbmogis, kánske juobe mielde čuorvumin: *Russiinávle!*

Lea álki oaidnit sivalašvuoda nuppi hárduid alde. Sirdit geahčastaga iežas boasttuvuodas ja čádjideamis nuppi ala. Olu váddásut lea geahččat iežas rehálaččat ja oaidnit, ahte lea iešge mielde duon olmmošgotti koaras, mii sivahallá sivalačča iežas átestusastis. lpmila árbmu ja ráhkesvuolta Jesusis Kristusis lehkkot midjiide vejolašvuoda aiddo dasa. lpmil gillá ieš min bahávuohtamet dihtii, muhto ceavzá das ja soabada min ja Su.

Sávan Dutnje buressivdniduvvon beassášbasiid ávvudeami.

Jukka Keskitalo
Oulu bismágotti bismá